

בראשית (פרק כה)

- (כא) ויעתר יצחק לה' לנכח אשתו כי עקרה הוא ויעתר לו ה' ותהר רבקה אשתו:  
 (כב) ויתרצו הבנים בקרבה ותאמר אם כן למה זה אנכי ותלך לדרש את ה':  
 (כג) ויאמר ה' לה שני גוים בבטנך ושני לאמים ממעיך יפרדו ולאם מלאם יאמץ ורב יעבוד צעיר:  
 (כד) וימלאו ימיה ללדת והנה תומם בבטנה:  
 (כה) ויצא הראשון אדמוני כלו כאדרת שער ויקראו שמו עשו:  
 (כו) ואחרי כן יצא אחיו וידו אחזת בעקב עשו ויקרא שמו יעקב ויצחק בן ששים שנה בלדת אתם:  
 (כז) ויגדלו הנערים ויהי עשו איש ידע ציד איש שדה ויעקב איש תם ישב אהלים:  
 (כח) ויאהב יצחק את עשו כי ציד בפיו ורבקה אהבת את יעקב:  
 (כט) ויזד יעקב נזיד ויבא עשו מן השדה והוא עיף:  
 (ל) ויאמר עשו אל יעקב הלעיטני נא מן האדם האדם הזה כי עיף אנכי על כן קרא שמו אדום:  
 (לא) ויאמר יעקב מכרה כיום את בכרתך לי:  
 (לב) ויאמר עשו הנה אנכי הולך למות ולמה זה לי בכרה:  
 (לג) ויאמר יעקב השבעה לי כיום וישבע לו וימכר את בכרתו ליעקב:  
 (לד) ויעקב נתן לעשו לחם ונזיד עדשים ויאכל וישת ויקם וילך ויבז עשו את הבכרה: ס

רש"ס בראשית (כה:כג, כח)

ורב יעבוד צעיר - ולכך אהבה את יעקב שאהבו הקצ"ה וכדכתי' ואהב את יעקב: אוהבת את יעקב - שהיתה מכרת בתומתו וגם ממה שאמר הק' ורב יעבוד צעיר. והולך להקדים כאן אהבת יחסי לעשו ורצקה את יעקב להודיע מה שכת' לפניו יחסי לרבה עשו ורצקה הערימה לרבה את יעקב:

רש"ס בראשית (כז:יג)

עלי קללתך - עלי ועל לוארי, כלומר [אל תירא] כי היתה צועמת צמה שאמר לה הק' ורב יעבוד צעיר:

בראשית (פרק טו)

- (יג) ויאמר לאברם ידע תדע כי גר יהיה זרעך בארץ לא להם **ועבדום** וענו אתם ארבע מאות שנה:  
 (יד) וגם את הגוי אשר יעבדו דן אנכי ואחרי כן יצאו ברכש גדול:

בראשית (פרק לב)

- (ד) וישלח יעקב מלאכים לפניו אל עשו אחיו ארצה שעיר שדה אדום:  
 (ה) ויצו אתם לאמר כה תאמרון לאדני לעשו כה אמר עבדך יעקב עם לבן גרתי ואחר עד עתה:  
 (ו) ויהי לי שור וחמור צאן ועבד ושפחה ואשלחה להגיד לאדני למצא חן בעיניך:  
 (ז) וישבו המלאכים אל יעקב לאמר באנו אל אחיך אל עשו וגם הלך לקראתך וארבע מאות איש עמו:  
 (ח) ויירא יעקב מאד ויצר לו ויחץ את העם אשר אתו ואת הצאן ואת הבקר והגמלים לשני מחנות:  
 (ט) ויאמר אם יבוא עשו אל המחנה האחת והכהו והיה המחנה הנשאר לפליטה: